

КИЖИНИЦ ЭРГЕЛЕРИНИЦ БҮГҮ-НИИТИ УГУУЛГАЗЫ

1948 чылдың 10-да Чиңгине Ассамблеяның

217 A (III) резолюциязы-бile хүлээн алдынган болгаш чарлаттынган

КИРИЛДЕ

Кижи төрелгетен аймааның бүгү кежигүннериниң кижи мөзүзүн, оларның дең болгаш казып болбас эргелерин хүлээн көөрү хосталганаң, чөптүг чоруктуң база бүгү-ниити тайбыңың үндезини болурун *кичээнгейге албышаан*; база

кижиниң эргелеринге тоомча чок болгаш көөр хөөн чок чоруктуң кижи төрелгетенниң сагыжын аартып дүвүреткен дерзии үүлгедиглерге чедиргенин база кижилер сөстүң болгаш үзелдерниң хосталгазынга эргелиг, коргуушкун болгаш турегделден хостуг делегейни тургузары кижилерниң бедик чүткүлү кылдыр чарлаттынганын *кичээнгейге албышаан*; база

кижиниң эргелери хоойлуға кижи ужур-дүрүм чок чагыргага болгаш дарлалгага удур сөөлгү арга кылдыр тура халышкын ажыглаар ужурга таварышпас кылдыр камгалаттынган турарының эргежок чугулазын *кичээнгейге албышаан*; база

чоннар аразынга эп-найыралдыг харылзааларның сайзыралын деткиириниң эргежок чугулазын *кичээнгейге албышаан*; база

Каттышкан Нацияларның чоннарының кижиниң кол эргелеринге, кижи мөзүзүнгө болгаш үнезинге база эр болгаш херээжен кижилерниң дең эргелиинге бүзүрелин Уставта бадыткаанын база улам хостуг байдалга социал депшилгени болгаш амыдыралдың байдалдарын экижидерин деткиири шиитпирлээний *кичээнгейге албышаан*; база

кежигүн-курунелерниң Каттышкан Нациялар Организациязы-бile кады ажылдавышаан, кижиниң эргелерин болгаш кол хосталгаларын бүгүдениң хүндүлээрин база сагырын чедип алырынга деткимче бээрин хүлээнгенин *кичээнгейге албышаан*; база

бо эргелерниң болгаш хосталгаларның характеристерин бүгүдениң угаап билири ол хүлээлгени долузу-бile күүседирингэ улуг ужур-дузалыг болурун *кичээнгейге албышаан*,

Чиңгине Ассамблея

Кижиниң эргелериниң бо бүгү-ниити угуулгазын бүгү чоннарының болгаш күрунелерниң күүседир дээш кызыдар ужурлуг база кижи бүрүзү болгаш нийтиледиң орган бүрүзү ук Угуулганы доктаамал кичээнгейге албышаан, чырыдылга болгаш өөредилгэ аргалары-бile ук эргелер биле хосталгаларны хүндүлээрин деткиир, национал болгаш улустар аразының депшилгелиг хемчеглерин ажыглап тургаш, Организацияның кежигүнү күрунелериниң база ол күрунелерниң юрисдикциязында турар девискээрлерниң чоннарының аразынга оларны бүгүдениң хүлээн көөрүн база үре-түнелдиг боттандырын деткииринче угланган сорулга кылдыр *чарлан тур.*

1 чүл

Бүгү кижилир хостуг база мөзүзү болгаш эргелери дең кылдыр төрүттүнер. Оларга угаансарыыл болгаш арын-нүүр бердинген болур болгаш олар бот-боттарынга акы-дуңмалышкы хамаарылганы көргүзөр ужурлуг.

2 чүл

Кижи бүрүзү ук Угуулгада чарлаттынган бүгү эргелерге болгаш хосталгаларга язы-сөөгү, кежиниң өңү, эр-херээжени, дылы, чүдүлгези, политиктиг болгаш өске-даа үзелдери, национал болгаш социал ызыгууру, өнчү-хөрөнгизи, аңгы болгаш өске-даа байдалдардан хамаан чокка эргелиг.

Оон аңгыда, кижини ооң хамааржып турары күрүнениң азы девискээрниң политиктиг, хоойлу-дүрүм азы чоннар аразында статузун, ук девискээрниң хамаарышпазын, өскелерниң харагалзалында турарын, бот-башкарылга чок азы бот-догуннаашкынында кандыг-бир кызыгаарлыг бооп турарын барымдаалап ылгаар чорук турбас ужурлуг.

3 чүл

Кижи бүрүзү амыдырап-чурттаар, хостуг болур болгаш дээп болбас эргелиг.

4 чүл

Кым-даа кулданыгга азы хостуг эвес байдалга туттунмас ужурлуг; кулданыгның болгаш кул садарының бүгү хевирлери хоруглуг.

5 чүл

Кым-даа эрии-шаажыга азы каржы, кижизиг эвес азы ооң кижи мөзүзүн дорамчылаан аажылалга болгаш шииткелге таварышпас ужурлуг.

6 чүл

Кижи бүрүзү каяа-даа чорааш, ооң тускай субъект эргелиин хүлээп көөрүнгө эргелиг.

7 чүл

Бүгү кижилир хоойлу мурнунга дең эргелиг база хоойлуга кандыг-даа ылгал чокка, дең камгаладыр эргелиг. Бүгү кижилир ук Угуулганы хажыдып турар ылгай көрүүшкүндөн база ындыг ылгай көрүүшкүнү кылышынче күткүлгеден дең камгаладыр эргелиг.

8 чүл

Кижи бүрүзү конституция азы хоойлу езугаар көрдүнген кол эргелери хажыттынган таварылгаларда долу эргелиг национал шүүгүнүң ооң эргелерин катап үре-түннелдиг тургузуп бээрингэ эргелиг.

9 чүүл

Кым-даа барымдаа чок хоругдалга, тудуп хоругдаашкынга азы ойладышкынга таварышпас ужурлуг.

10 чүүл

Кижи бүрүзү ооң эргелерин болгаш хүлээлгелерин тодарадып бээринге база аңаа онааштырып турар кем-херек буруудадышкының барымдаалын тодаадырынга база ооң хөрөэн хамаарышпас болгаш тала тыртпас шүүгүнүң ажык болгаш чөптүг чоруктуң бүгү негелдelerin сагывышаан, сайгарып көөрүнгө эргелиг.

11 чүүл

1. Кем-херек үүлгеткен деп буруудаттырып турар кижи бүрүзү камгалалдың бүгү аргаларын хандырып берип турар ажык шүүгү сайгарылгазынга ооң буруулуу хоийлуу езугаар тодараттынмаан шаанда буруу чок деп санадыр эргелиг.
2. Кым-даа болуп турган үезинде национал хоийлуулар азы чоннаар аразының хоийлуу-дүрүмүбile кем-херек үүлгедиишкни болбайн турган кандыг-бир кылдыныглардан азы чүнү-даа кылбаанындан үнген үүлгедиг дээш шииттирбес ужурлуг. Ол ышкаш үүлгедигниң болган үезинде берип болур турган кеземчеден аар кеземче бээри болдунмас.

12 чүүл

Кым-даа ооң амы-хууда болгаш өг-бүле чуртталгазынче туразында холгаарлаашкынга, бажың-балгадынга дээп болбазынга, чагаалажышкының чажыт чоруунга азы ат-алдары болгаш репутациязынга шоглаашкынга таварышпас ужурлуг. Кижи бүрүзү хоийлууга ындыг холгаарлаашкын азы шоглаашкыннаардан камгаладыр эргелиг.

13 чүүл

1. Кижи бүрүзү кайы-бир күрүнениң кызыгаарының иштинге хостуг чоруур болгаш бодунга чурттаар черни шилип алыр эргелиг.
2. Кижи бүрүзү кандыг-даа чурттан, ооң иштинде бодунун чуртундан база үнүп чоруур база бодунун чуртунче ээп кээр эргелиг.

14 чүүл

1. Кижи бүрүзү истеп сүрүүшкүнден хоргадалды еске чурттардан дилээр база ол хоргадалды ажыглаар эргелиг.
2. Бо эрге политикиг эвес үүлгедиг азы Катышкан Нациялар Организациязының сорулга болгаш принциптеринге удурланышкак кылдыныглар дээш истеп сүрүп турар таварылгада ажыглаттынмас.

15 чүүл

1. Кижи бүрүзү хамааты болур эргелиг.
2. Кым-даа хамааты эргезинден азы хамааты эргезин солуур эргезинден үндезин чокка казытпас ужурлуг.

16 чүүл

1. Назы четкен эр болгаш хөрээжен кижилер язы-сөөк, националы азы чүдүлгезиниң аайы-бите кандыг-даа кызыгаарлаашкын чокка өгленип, бодунуң өг-бүлэзин тургузар эргелиг. Олар бадыланышканынга хамаарыштыр, бадылалдыг турган үезинде база ону күш чок деп санаан үезинде дең эргелерни ажыглаар.
2. Бадылажышкын чүгле өгленчип турар ийи таланың хостуг болгаш бүрүн дугуржулгазы-бите бооп болур.
3. Өг-буле нийтиледиң чайгаар болгаш үндезин үүрү болур база нийтилел биле қүрүнениң талазындан камгаладыр эргелиг.

17 чүүл

1. Кижи бүрүзү өнчү-хөрөнгизин чааскаан-даа, өскелер-бите кады-даа эдилээр эргелиг.
2. Кым-даа өнчү-хөрөнгизин үндезин чокка хавыртпас ужурлуг.

18 чүүл

Кижи бүрүзү бодалдың, арын-нүүрнүң болгаш чүдүлгениң хосталгазынга эргелиг; бо эргеге бодунун чүдүлгезин азы үзелдерин өскеририниң хосталгазы база бодунуң чүдүлгезин азы үзелдерин чааскаан-даа, өскелер-бите кады-даа хөйге азы аңгы кылдынган өөредилгэ, мөргүл база шажынчы болгаш ритуалдыг езулалдар дамчыштыр нептередириниң хосталгазы хамааржып турар.

19 чүүл

Кижи бүрүзү үзелдерниң база оларны хостуг илередириниң хосталгазынга эргелиг; бо эргеге бодунун үзелдеринге моондак чокка бүзүреп сагыыр база күруне кызыгаарларындан хамаан чокка база кандыг-даа арга-бите информация болгаш идеяларны дилээр, алыр база тарадыр хосталга хамааржып турар.

20 чүүл

1. Кижи бүрүзү тайбың чыыш болгаш каттыжышкыннарның хосталгазынга эргелиг.
2. Кым-даа кайы-бир каттыжышкынга киреринге чыгатпас ужурлуг.

21 чүүл

1. Кижи бүрүзү бодунун чуртунун удуртулгазынга боду дорт азы хостуг ёзу-бile сонгуттурган төлээлекчилерни дамчыштыр киржир эргелиг.
2. Кижи бүрүзү бодунун чуртунга күрүне албанынга дең кирер эргелиг.
3. Чоннуң күзел-соруу чазактың эрге-чагыргазының үндезини болур ужурулуг; бо күзел-сорук албан ниити болгаш дең чажыт бадылаашкын аргазы-бile азы сонгууруунун хосталгазын хандырып турар дең чергелиг өске хевирлер дузазы-бile эрткен болгаш хажыдышкын кылдынмаан өйлеп-өйлеп болур сонгулдаларга илереп кээр ужурулуг.

22 чүүл

Кижи бүрүзү нийтиледин кежигүнү болганда, национал күжениг болгаш чоннаар аразында кады ажылдажылганың ачызында күрүне бүрүзүнүң курлавырлары болгаш тургузуунга дүүштүр кижи мөзүзүн баксыратпайн тударынга база экономика, социал болгаш культура адырларынга хостуг сайзыраарынга эргежок чугула социал хандырылга алышынга база эргелери боттанган турарынга эргелиг.

23 чүүл

1. Кижи бүрүзү ажылдаар, ажылды хостуг шилип алыр, ажылдаар байдалының чөптүг болгаш таарымчалыг болурунга база ажыл чок чоруктан камгалалга эргелиг.
2. Кижи бүрүзү кандыг-даа ылгай көрүүшкүн чокка дең ажыл дээш дең төлевир алыр эргелиг.
3. Ажылдан туар кижи бүрүзү бодунун болгаш өг-булезинин кижи мөзүзүнгө төлептиг амыдыралды тудар чөптүг болгаш сеткилди хандырып турар база херек апарганда социал хандырылганың өске хевирлеринден немелделиг төлевирни алыр эргелиг.
4. Кижи бүрүзү бодунун эргелерин камгалаары-бile профессионалдыг эвилдер тургuzар база профессионалдыг эвилдерге кирер эргелиг.

24 чүүл

Кижи бүрүзү дыштанылгага база хостуг үеге эргелиг, ооң иштинде ажыл хүнүн шын кызыгаарлаарынга база өйлеп-өйлеп бээр төлевирлиг шөлээгээ эргелиг.

25 чүүл

1. Кижи бүрүзү амыдыралдың, ооң иштинде аьш-чемниң, идик-хептин, чурттаар оран-саваның, эмчи ажаалгазының база эргежок чугула социал хандырылганың ооң бодунун болгаш өг-булезинин кадыкшылын баксыратпайн тударынга база чаагай байдалын хандырарынга четчир деңелдиг болурунга эргелиг база ажыл чок артканда, аараанда,

инвалид апарганда, дулгүяк калганда, назылап кыраанда азы оон хамаарышпас байдалдарда амыдыраар аргаларын чидиргенде, хандырылга алыр эргелиг.

2. Ие болуру болгаш чаш назын тускай ажаал-тежээл болгаш дуза алтынга эргени берип турар. Бүгү уруглар, өг-бүлеге азы сурас төрүттүнгениндөн хамаан чокка, дөмөй социал камгалалды алыр ужурлуг.

26 чүүл

1. Кижи бүрүзү өөренир эргелиг. Өөредилге бети дизе эгэ болгаш нийти өөредилгеге хамаарыштыр халас болур ужурлуг. Эгэ өөредилге албан болур ужурлуг. Техниктиг болгаш профессионалдыг өөредилге бүгүдеге белен чедингир болур ужурлуг база дээди өөредилге кижи бүрүзүнүң салымнының айы-бile бүгүдеге бир дөмөй чедингир болур ужурлуг.

2. Эртем-билиг кижиниң долу сайзыралынч болгаш кижиниң эргелеринге база хосталгаларынга хүндүткелди бедидеринч угланган болур ужурлуг. Эртем-билиг бүгү чоннарның, сөөк-язы база шажын бөлүктөрүнүн бот-боттарын билчирингэ, өскелерниң бодалдарын, чүдүлгө-сүзүглөлдерин хүлээп билирингэ, эп-найыралдыг чорукка база Каттышкан Нациялар Организациязының тайбыңны деткээн ажыл-чорудулгазынга деткимчени бээр ужурлуг.

3. Ада-ие улус боттарының назы четпээн уругларының өөредилгезиниң хевирин чугулалап шилиир эргелиг.

27 чүүл

1. Кижи бүрүзү нийтиледин культура амыдыралынга хостуг киржир, уран чүүлден таалал алыр, эртем депшилгезинге киржир болгаш ооң кежиктерин ажыглаар эргелиг.

2. Кижи бүрүзү автору бооп турары эртем, чогаал болгаш уран чүүл ажылдарының түннели болур моральдыг болгаш материалдыг эрге-ажыы камгалаттынган турарынга эргелиг.

28 чүүл

Кижи бүрүзү ук Угуулгада айыттынган эргелер болгаш хосталгаларны долузу-бile хандырып турар социал болгаш улустар аразының корум-чурумунга эргелиг.

29 чүүл

1. Кижи бүрүзү ооң хостуг болгаш долу сайзыралын хандырып болур нийтиледин мурнунга хүлээлгелерлиг.

2. Кижи бүрүзү бодунуң эргелерин болгаш хосталгаларын боттандырып тургаш, хоойлу ёзугаар өске кижилерниң эргелери биле хосталгаларын болур-чогууру-бile хүлээп көөрүн база хүндүлээрин хандырар база демократтыг нийтилгэ мөзү-шынарның чөптүг

негелделерин, хөй-ниити чурумун болгаш ниити чаагай байдалды хандырар сорулга-били тодараттынган чүгле ындыг кызыгаарлаашкыннарга таваржыр ужурлуг.

3. Ол эргелерниң болгаш хосталгаларның боттандырышкыны кандыг-даа таварылгада Каттышкан Нациялар Организациязының сорулга болгаш принциптеринге удурланышкак болбас ужурлуг.

30 чүүл

Ук Угуулгада чүү-даа чүве кайы-бир күрүнеге, бөлүкке азы тус кижилерге ук Угуулгада айыттынган эргелер болгаш хосталгаларны узуткаарынчे улланган ажылдар чорударынга азы кылдыныглар кылышынга эрге берип турар деп тайылбырлаттынып болбас.